

Na osnovu tačke IV stav (3) Odluke Vlade Hercegovачko – neretvanskog kantona o dodjeli koncesije za zemljište i izgradnju elektroenergetskog postrojenja fotonaponske elektrane Slipčiči 992,00 kW, Grad Mostar, („Službene novine HNK“, broj: 8/17), te na osnovu člana 45. Ugovora o koncesiji za zemljište i izgradnju elektroenergetskog postrojenja fotonaponske elektrane Slipčiči 992,00 kW, Grad Mostar, broj : UP/I-07-02a)-213-40/16 od 30.10.2017.godine

VLADA HERCEGOVAČKO - NERETVANSKOG KANTONA (u daljem tekstu: Koncesor), sa sjedištem u Mostaru, Stjepana Radića 3, identifikacijski broj Vlade: I.D. 4227310410003, koju zastupa ministar privrede Hercegovачko - neretvanskog kantona Željko Laketić

i

privredno društvo „**NSSN**“ **d.o.o. Mostar**, sa sjedištem u Mostaru, Ilićka 793, identifikacijski broj društva JIB: 4227097390001, kojeg zastupa direktor društva Slađan Marinović (u daljem tekstu: Koncesionar), dana _____ godine, zaključili su

ANEKS II

Ugovora o koncesiji za zemljište i izgradnju elektroenergetskog postrojenja fotonaponske elektrane Slipčiči 992,00 kW, Grad Mostar

ANEKS II**Ugovora o koncesiji za zemljište i izgradnju elektroenergetskog postrojenja fotonaponske elektrane Slipčiči 992,00 kW, Grad Mostar****Član 1.**

Ovim Aneksom, Koncesor i Koncesionar su se usaglasili da izvrše izmjenu osnovnog teksta Ugovora o koncesiji i to kako slijedi:

Član 1. Ugovora mijenja se i glasi:

„Član 1.

(1) Ovim Ugovorom (u daljem tekstu: Ugovor), Koncesor dodjeljuje Koncesionaru koncesiju za obavljanje elektroprivredne djelatnosti proizvodnje, prijenosa i distribucije električne energije izgradnjom elektroenergetskog objekta fotonaponske elektrane Slipčiči 992,00 kW, na lokalitetu Slipčiči, Grad Mostar.

(2) Lokalitet iz stava (1) ovog Ugovora okonturen je koordinatama

Tačka	Y	X
1	6 483 368.63	4 787 825.62
2	6 483 568.63	4 787 826.68
3	6 483 569.29	4 787 711.69
4	6 483 392.32	4 787 710.71
5	6 483 369.06	4 787 744.99

na prostoru čija površina iznosi 22.609 m² i nalazi se na dijelu k.č. broj: 894/47 (2996/3) K.O. Slipčiči, Grad Mostar, a koje se poklapaju sa granicama prostora predviđenog za izgradnju fotonaponskih solarnih elektrana u skladu sa važećim Izmjenama i dopunama prostornog plana - energetske objekti (Službeni glasnik Grada Mostara br. 11/12).“

Član 2.

Član 19. Ugovora mijenja se i glasi:

„ Član19.

(1) Obaveza plaćanja tekuće koncesione naknade nastaje na osnovu Ugovora o koncesiji i naplaćuje se za vrijeme trajanja koncesionog perioda.

(2) Osnovica za utvrđivanje tekuće koncesione naknade je planirani godišnji bruto prihod i/ili ostvareni godišnji bruto prihod od obavljanja koncesione djelatnosti iskazan u glavnoj knjizi i pomoćnim knjigama Koncesionara, a potvrđen u godišnjem izvještaju o reviziji finansijskih izvještaja neovisnog revizora koncesionara.“

Član 3.

Član 20. osnovnog Ugovora se briše.

Član 21. stav (1) osnovnog Ugovora mijenja se i glasi:

„(1) Tekuća koncesiona naknada (TKN) izračunava se prema formuli:

TKN = 0,03 x GPB x 0,05 Σ B, pri čemu je:

0,03- faktor grane djelatnosti, za oblast iskorištavanje obnovljivih izvora energije,

GPB - godišnji bruto prihod ostvaren korištenjem predmeta koncesije, (proizvod ostvarenog kapaciteta proizvodnje električne energije (kWh) i važeće otkupne cijene električne energije (KM/kWh)).

Σ B - zbir svih dopunskih kriterija,

0,05- koeficijent korekcije tekuće (godišnje) naknade.

Član 4.

Koncesionar je obavezan u roku od 60 dana platiti sve dospjele obaveze nastale po osnovu Ugovora o koncesiji uključujući i obračunatu tekuću koncesionu naknadu za zauzeto zemljište za period zaključno sa danom stupanja na snagu Odluke o načinu utvrđivanja kriterija, načinu obračuna i rokovima plaćanja koncesione naknade za obavljanje elektroprivredne djelatnosti proizvodnje, prijenosa i distribucije električne energije na području Hercegovačko-neretvanskog kantona, broj: 01-102-2472/18 od 30.10. 2018. godine, u roku od 60 dana od dana potpisivanja ovog Aneksa.

Član 5.

Ostale odredbe osnovnog Ugovora ostaju nepromijenjene.

Član 6.

(1) Ovaj Aneks je sačinjen u 8 (osam) istovjetnih primjeraka, od kojih ugovorne strane zadržavaju svaka za sebe po 2 (dva) primjerka.

(2) Po jedan primjerak Ugovora dostavit će se: Ministarstvu finansija Hercegovačko - neretvanskog kantona, Općinskom sudu u Mostaru, Kantonalnom javnom pravobranilaštvu i Gradu Mostaru, u roku od 8 dana od dana njegovog zaključivanja.

Član 7.

Aneks stupa na snagu danom njegovog potpisivanja od obe ugovorne strane.

KONCESIONAR
NSSN d.o.o. Mostar

direktor

Sladán Marinović

Broj: _____

KONCESOR
Vlada Hercegovačko – neretvanskog kantona

ministar

Željko Laketić

Broj: _____

OBRAZLOŽENJE

Dana 09.08.2018.godine stupio je na snagu Zakon o izmjenama i dopuni Zakona o koncesijama Hercegovačko – neretvanskog kantona („Službene novine HNK”, broj: 6/18), kojim je izmijenjen član 7. stav (1) tačka n), odnosno predmet koncesije iz oblasti elektroenergetskih objekata, pa sada predmet koncesije glasi: „obavljanje elektroprivredne djelatnosti proizvodnje, prijenosa i distribucije električne energije izgradnjom elektroenergetskih objekata instalisane snage od 23,1 kW do 5MW (postrojenja za iskorištavanje pogonske snage vjetra, postrojenja za iskorištavanje energije sunca i kogeneracijska postrojenja) osim proizvodnje električne energije za vlastite potrebe”.

Članom 4. istog Zakona, propisano je da postupci za dodjelu koncesije iz člana 7. stav (1) tačka n) Zakona o koncesijama Hercegovačko – neretvanskog kantona, koji do dana stupanja na snagu ovog Zakona nisu okončani, završit će se po odredbama ovog Zakona.

U cilju usklađivanja sa izmjenama odredbe člana 7. stav (1) Zakona o koncesijama Hercegovačko – neretvanskog kantona, dana 30.10.2018. godine Vlada Hercegovačko neretvanskog kantona donijela je Odluku o načinu utvrđivanja kriterija, načinu obračuna i rokovima plaćanja koncesione naknade za obavljanje elektroprivredne djelatnosti proizvodnje, prijenosa i distribucije električne energije na području Hercegovačko-neretvanskog kantona, broj: 01-102-2472/18.

Postupak dodjele koncesije privrednom društvu NSSN d.o.o. Mostar je okončan i sa imenovanim je zaključen Ugovor o koncesiji.

Međutim, član 61. Zakona o koncesijama Hercegovačko – neretvanskog kantona propisuje da na odnose utvrđene ugovorima o koncesiji zaključenim do dana stupanja na snagu ovog Zakona, primjenjuju se odredbe tih ugovora, odnosno zakona na osnovu kojih su zaključeni, ako je to za koncesionara povoljnije ili ako ugovorne strane određena pitanja sporazumno ne urede, u skladu sa ovim zakonom.

Kako su izmjene Zakona i nova Odluka povoljnije za koncesionara jer je umanjena tekuća koncesiona naknada, to se pristupilo izmjenama Ugovora o koncesiji.

S tim u vezi, član 1. osnovnog Ugovora o koncesiji se mijenja u cilju usklađivanja sa izmijenjenim predmetom koncesije.

Član 19., 20. i 21. stav (1) osnovnog Ugovora mijenjaju se u cilju usklađivanja sa navedenom Odlukom kojom je izmijenjena tekuća koncesiona naknada.

Aneksom se također propisuje obaveza plaćanja dospjele tekuće naknade za zauzeto zemljište nastale prije stupanja na snagu Zakona o izmjenama i dopuni Zakona o koncesijama HNK i gore navedene Odluke.